


Sel Prestuhn  
Dieter F. Uchtdorf

Mwet in Kahsruh Ahkluo  
ke Prestuhnsi Se Met



# Tukun Luhngse, Na Meac?

**M**wet pahluh sacohk lasr, Prestuhn Thomas S. Monson, el luti lah “luhngse el arulacna yohk srihpac nuh ke wosasuc.”<sup>1</sup>

Luhngse el yohk srihpac oruh Jisus el pahngon, “pa masap se emet ac yohk uh” ac fahk lah kwewana ip srihsrihk sahyac ke masap ac kahs luhn mwet pahluh uh srihpsrihp nuh kac.<sup>2</sup>

Luhngse el infulwen ohiyac nuh kwewa ma kuht oruh ke Alu uh. Prokracm nuh kwewa, toeni nuh kwewa, mukwikwi nuh kwewa ma kuht oasr kac ekihn mwet tuhma lutlut luhn Jisus Kraist uh tuhkuh ke kuhiyac se inge—mweyen fin wacngihn luhngse muhtahl “luhngse nwacsnwacs luhn Kraist,” kuht ac tiac kuh in ohinge.<sup>3</sup>

Ke pacl se kuht etwacлах ma se inge ke nuhnkwacsr ac insiyacsr, pacl se kuht ahkkahlwemye luhngse lasr nuh sin God ac mwet wiyacsr uh—na meac?

Yac puhla sacohk ac luhngse lasr nuh sin mwet sahyac uh fal? Yac ahkkahlwemyeyacn luhngse lasr nuh sin God ac mwet tuhlan lasr ahkwoyelah orekma lasr nuh sin God uh?

## **Puhpuhlyuck se ke Wen Luo ah**

Ke tempuhl fin acn Jerusalem, mwet kol fuhlwact ac mwet mahtuh luhn mwet Jew apkuhran nuh yohrohl Jisus in srihfal ke kahs Lal. Mwet Lahngo, El tuh, muhta fin tepuh uh ac sruhmuhn sie sramsram.

“Oasr wen luu nuhtin sie mukul,” El muhtwacwacack. Pahpah sac som nuh yurin wen se met ah ac siyuck sel in som orekma ke imac uh. Tuhsruhк wen sac sruhnga. Tok kuhtuh wen se ingacn, “auliyak, ac som.”

Na pahpah sac som nuh yurin wen ahkluo nahtuhl ac siyuck sel in som orekma ke imac uh. Wen se ahkluo ah fahk nuh sel lah lac weluhl som, tuhsruhк el tiac na som.

Na Mwet Lahngo El forwacng nuh sin mwet kol fuhlwact ac mwet mahtuh ah ac siyuck, “Suc sin wen luu inge oruh ma luhngse luhn pahpah tuhmwacлах uh?”

Elos fahk lah wen se met ah—ma se ma fahk muh ac tiac som tuhsruhк auliyak tohkoh ac som orekma ke imac uh.<sup>4</sup>

Mwet Lahngo El orekmakihn sramsram se inge in elakihn yohk srihpaciyacn sie ip yohk—pa elos suc ahkos masap uh pa luhngse na pwacye God uh.

Sahp pa inge srihpac se ma oruh Jisus lan siyuck sin mwet uh in lohng kac ac in ukwe kahs luhn Mwet Facrisi ac mwet luti masap uh tuh in tiac ukwe ohiyac lalos an.<sup>5</sup> Mwet luti muhtahl inge forfor tiac oruh ma elos forfor sruh-muhn kac uh. Elos luhngse in sruhmuhn ke alu, tuhsruhк-tuh mwe ahsor lah elos tiacna oruh yohk srihpaciyac ah.

## **Mukwikwi ac Molwelah Lasr**

Ke sie mwe luti sahflah luhn Mwet Lahngo nuh sin mwet tuhma lutlut Lal, El sramsram nuh selos ke Nuh-nuhnkuh sahflah. Mwet koluk ac mwet wo fah enenuh in sriyuckwelihк. Mwet wo fah usruui mouл ma pahtpaht; mwet koluk fah kolyucklac nuh ke kai ma pahtpaht.

Meac ma tiac oacna sie inmahsrlon u luu an?

Elos suc ahkkahlwemye luhngse lalos ke orekma lalos moullac. Elos suc tiacna fah misac.<sup>6</sup> Eklac pwacye nuh ke wosasuc luhn Jisus Kraist ac ma sacohk ac ip yohk kac uh fah mwe lohoh ke mukwikwi ke lwen nuh kwewa lasr uh.

Ke sahflahiyac uh, srihklaciyaen fahkwack ke luhngse nuh sin God ac mwet lal fah tiacna ahkoekuhtlac nuh ke moul ma pahtpaht yurin God. Kac, ke Jisus El luti, “tia mwet nukewa ma pangonyu ‘Leum, Leum’ ac fah ilyak nu in Tokosrai lun kusrao, a elos na su oru ma lungse lun Papa tumuk inkusrao.”<sup>7</sup>

### Meac Tuhkuh tukun Luhngse?

Top nuh ke kihsensiyuck sacn “Tukun luhngse, na meac?” kuh in fihsrwacsr ac suwohs. Fin kuht luhngse na pwacye Mwet Lahngo, kuht sang insiyacsr nuh Sel ac na fahsr tukun innek luhn mwet tuhma lutlut. Ke pacl kuht luhngse God, kuht fah kampare in karuhnguhnwacng masap Lal.<sup>8</sup>

Fin kuht luhngse na pwacye mwet wiyacsr, kuht saplakyang in kahsrwelos, “mwet suhkahsruhp ac enenuh, mwet mas ac kweok.”<sup>9</sup> Nuh selos suc oruh mukwikwi in kahsrh ke luhngse ac kuhlwacnsap,<sup>10</sup> mwet ingacn pacna pa mwet tuhma lutlut luhn Jisus Kraist.

Pa inge ma ac tuhkuh tukun luhngse.

Pa inge yohk srihpaciyaen wosasuc luhn Jisus Kraist.

### MWE KAHSRUH

1. Thomas S. Monson, “Love—the Essence of the Gospel,” *Liahona*, Mei 2014, 91.
2. Liye Matthew 22:36–40.
3. Liye Moroni 7:46–47.
4. Liye Matthew 21:28–32.
5. Liye Matthew 23:3.
6. Liye Matthew 25:31–46.
7. Matthew 7:21.
8. Liye John 14:15.
9. Liye Doctrine and Covenants 52:40.
10. Liye Mosiah 18:8–9.

### LUTI KE PWENG SE INGE

Prestuhn Uchtdorf el ahkuhtweyac mwet tuhma lutlut pwacye luhn Jisus Kraist oacna elos suc ahkkahlwemye luhngse lalos nuh Sel ac nuh sin mwet sahyac ke orekma lalos uh. El luti nuh sesr lah “fin kuht luhngse na pwacye Mwet Lahngo, kuht sang insiyacsr nuh Sel ac na kuht fahsr inkacnek luhn mwet tuhma lutlut.” Nuhnkuh in siyuck sin mwet kowos luti an lah ohiyac fuhkah ma luhngse uh pahtokuhlos in fahsr ke innek luhn mwet tuhma lutlut uh. Kom kuh in akacsruhi ohiyac kom puhlakihn an nuh selos pac. Kom fah nuhnkuh in solwaclos in pruhe nuh ke luhngse muhtahl ac kuh in oruh ke srihpen luhngse.

© 2016 sel Intellectual Reserve, Inc. Kuh ac suwohs nuh kwewa fihliyucki. Sihmlac fin acn USA. Ahkkweyeyucklac ke kahs English: 6/16. Ahkkweyeyucklac ke lweng: 6/16. Lwenglah luhn *First Presidency Message, September 2016*. Kosraean. 12869 868

## MWET FUHSR

### Liyacacng Masap uh ac Luhngse Mwet Sahyac uh

Ke pacl kuht nuhnkuh ke luhngse, kwacna ma se Kemet ma ac tuhkuh nuh ke nuhnak lasr uh pa petsac romacantik, johklet, ac ros. Tuhsruh luhngse—luhngse pwacye—el loal liki ac yohk srihpac likina ma ingacn. Jisus Kraist El moul kacsr ac misac kacsr mweyen El luhngse kuht. Ma na pwacye, masap yohk luo uh pa in luhngse God ac luhngse mwet nuh kwewa sahyac (liye Matthew 22:36–40). Tuhsruh kuht ac *ahkkahlwemye fuhkah* nuh sin mwet sahyac lah kuht luhngse elos?

Prestuhn Uchtdorf el akacsruhi puhpuhlyuck luhn Kraist ke wen luo ah, sie suc orekma luhn pahpah tuhmwacl ac el suc tiacna. Mwet Lahngo El oruh sie akucl lah wen se na ma ahkos pahpah tuhmwacl pa luhngse na pwacye el uh. Oacpacna, ke kuht ahkos masap luhn God, kuht ahkkahlwemye lah kuht luhngse El ac kena fohlohk nuh Yohrohl.

Tuhsruh kuht ahkkahlwemye fuhkah lah kuht luhngse mwet nuh kwewa sahyac uh? Prestuhn Uchtdorf el ahkuhtweyac pac lah: “Fin kuht luhngse na pwacye mwet wiyacsr, kuht eiskuhtyang in kahsrh ‘mwet suhkahsruhp ac enenuh, mwet mas ac mwet kweok.’ Nuh selos suc oruh mukwikwi in pahkomuhta ac kuhlwacnsap inge, mwet ingacn pacna pa mwet tuhma lutlut luhn Jisus Kraist.”

Oruh pacl se tok kom liye ninac pahpah tomom, sucu lom, kuh kawuck se, nuhnkuh in kuhlwacnsuhpwaclos in ahkkahlwemye luhngse lom nuh selos. Ac fah tiac oruh eltahl ac kom in engan muhkwenana, tuh ac fah oruh Pahpah tomowos Inkuhsrao in engan pac.

## TUHLIHK SRIHSRIHK

### Ahkkahlwemye Luhngse

Jisus El akacsruhi sramsram soko ke sie pahpah ac wen Jluo nahtuhl. Sie pahpah orekma ke imac lal ac siyuck sin wen luo nahtuhl ah in kahsrwel. Wen se met ah fahk moh ke pacl se met ah tuh tok el som in kahsrh orekma ke imac uh. Wen se ahkluo ah fahk muh lac fah kahsrh, tuh el tuh tiacna oruh. Jisus El luti lah wen se met ah ahkkahlwemye luhngse yohk lal nuh sin pahpah tuhmwacl ke ahkostwen.

Srihke atacn sramsram soko inge! Na suhmuhslah kuh sruhlwacnah tolu ma kom kuh in oruh in ahkkahlwemye luhngse lom nuh sin Pahpah Lucng.

